

樂府詩集

冊四

樂府詩集

卷四

樂府詩集卷第九

太原

郭茂倩

編次

郊廟歌辭

齊太廟樂歌

南齊書樂志曰宋昇明中太祖爲齊王令司馬褚淵造太廟登歌二章建元初詔謝超宗造廟樂歌詩十六章永明二年又詔王儉造太廟二室歌辭其夕牲羣臣出入奏肅咸樂牲出入奏引牲樂薦豆呈毛血奏嘉薦樂迎神奏昭夏樂皇帝入廟北門奏永至樂太祝裸地奏登歌皇祖廟陵丞太中大夫淮陰令皇曾祖卽丘令皇祖太常卿五室並奏凱容樂皇考宣皇帝室奏宣德凱容樂昭皇后室奏凱容樂皇帝還東壁上福酒奏永祚樂送神奏肆夏樂皇帝詣便殿奏休成樂太祖高皇帝

室奏高德宣烈樂穆皇后室奏穆德凱容樂高宗明皇帝室奏明德凱容樂古今樂錄曰梁何佟之周捨等議以爲周禮牲出入奏昭夏而齊氏仍宋儀注迎神奏昭夏牲出入更奏引牲樂乃以牲牢之樂用接祖宗之靈宋季之失禮也

肅咸樂

謝超宗

絜誠底孝孝感煙霜夤儀式序肅禮綿張金華樹藻肅哲騰光殷殷升奏嚴嚴階庠匪椒匪玉是降是將懋分神衷邇祐傳昌

引牲樂

肇祀嚴靈恭禮尊國達敬傳典結孝陳則芬滌旣肅犧牲旣整聳誠流思端儀選景肆禮佇夜綿樂望晨崇席皇鑒用饗明神

嘉薦樂

清思眈眈寢微微恭言載感肅若有希芬俎具陳嘉薦兼列凝馨

煙颺分炤星哲睿靈式降協我帝道上澄五緯下陶八表

昭夏樂

涓辰選氣展禮恭祇重闈月洞層牖煙施載虛玉鬯載受金枝天歌
折饗雲舞罄儀神惟降止泛景凝羲帝華永藹泯藻方摛

永至樂

戲絲惟則姬經式序九司聯事八方承宇鑾迺靜陳縵樂具舉凝旒
若慕傾璜載竚振振璇衛穆穆禮容載藹皇步式敷帝蹤

登歌

清明一作容既鬯大孝乃熙天儀晬愴皇心儼思既分房豆載絜牲牲

鬯裸升禮鎬玉登聲茂對幽巖式奉徽靈以享以祀惟感惟誠

凱容樂

國昭惟茂帝穆惟崇登祥緯遠締世景融紛綸睿緒菴蔚王風明進
厥始濬哲文終

凱容樂

璇條夤蔚瓊源浚照懋矣皇烈載挺明劭永言敬思式恭惟教休途
良乂榮光有耀

凱容樂

嚴宗正典崇饗肇禋九章既飾三清既陳昭恭皇祖承假徽神貞祐
伊協卿藹是鄰

凱容樂

肅惟敬祀絜事參薌環絃像綴緬密絲簧明明烈祖尚錫龍光粵雅
于姬伊頌在商

凱容樂

神宮懋鄴明寢昌基德凝羽綴道邕容辭假我帝緒懿我皇維昭大
之載國齊之祺

宣德凱容樂

道闕期運義開藏用皇矣睿祖至哉攸縱循規烈炤襲矩重芬德溢
軒義道懋炎雲

凱容樂

月靈誕慶雲瑞開祥道茂淵柔德表徽章粹訓宸中儀天淵禮昭地
軸澤靡不懷威無不肅戎夷竭歡象來致福偃風裁化暉日敷祥信
星含曜秬草流芳七廟觀德六樂宣章惟先惟敬是饗是將

穆德凱容樂

大妣嬪周塗山儷禹我后嗣徽重規疊矩肅肅闕宮翔翔雲舞有饗
德馨無絕終古

明德凱容樂

多難固業殷憂啓聖帝宗纘武維時執競起柳獻祥百堵興詠義雖
祀夏功符受命遠無不懷邇無不肅其儀濟濟其容穆穆赫矣君臨
昭哉嗣服允王惟后膺此多福禮以昭事樂以感靈八簋陳室六舞

充庭觀德在廟象德在形四海來祭萬國咸寧

梁宗廟登歌七首

沈約

功高禮洽道尊樂備三獻具舉百司在位誠敬罔讐幽明同致茫茫
億兆無思不遂蓋之如天容之如地

殷兆玉筐周始邠王於赫文祖基我大梁肇土七十奄有四方帝軒
百祀人思未忘永言聖烈祚我無疆

有夏多罪殷人塗炭四海倒懸十室思亂自天命我殲凶殄難既躍
乃飛言登天漢爰饗爰祀福祿攸贊

犧象既飾罍俎斯具我鬱載馨黃流乃注峨峨卿士駿奔是務佩上
鳴璫纓還拂樹悠悠億兆天臨日煦

猗歟至德光被黔首鑄鎔蒼昊甄陶區有肅恭三獻對揚萬壽比屋
可封含生無咎匪徒七百年長地久

有命自天於皇后帝悠悠四海莫不來祭繁祉具膺八神聳衛福至

有兆慶來無際播此餘休于彼荒裔

祀典昭絜我禮莫違八簋充室六龍解駢神宮肅肅靈寢微微嘉薦
既饗景福攸歸至德光被洪祚載輝

梁小廟樂歌

隋書禮儀志梁又有小廟太祖太夫人廟也非嫡故別
立廟皇帝每祭太廟訖詣小廟亦以一太牢如太廟禮

舞歌

闕宮肅肅清廟濟濟於穆夫人固天攸啓祚我梁德膺斯盛禮文棖
達嚮重檐丹陛飾我俎彝絜我粢盛躬事奠饗推尊盡敬悠悠萬國
具承茲慶大孝追遠兆庶攸詠

登歌

光流者遠禮貴彌申嘉饗云備盛典必陳追養自本立愛惟親皇情
乃慕帝服來尊駕齊六轡旂耀三辰感茲霜露事彼冬春以斯孝德

永被烝民

陳太廟舞辭

隋書樂志曰陳初並用梁樂唯改七室舞辭皇祖步兵
府君正員府君懷安府君皇高祖安成府君皇曾祖太
常府君五室並奏凱容舞皇祖景皇帝室奏景德凱容
舞皇考高祖武皇帝室奏武德舞

凱容樂

於赫皇祖宮牆高嶷邁彼厥初成茲峻極縵樂簡簡閔寢翼翼裸饗
若存惟靈靡測

凱容舞

昭哉上德浚彼洪源道光前訓慶流後昆神猷緬一作綿邈清廟斯存
以享以祀惟祖惟尊

凱容舞

選辰崇饗飾禮嚴敬靡愛牲牢兼馨粢盛明明列祖龍光遠暎肇我
王風形斯舞詠

凱容舞

道遙積慶德遠昌基永言祖武致享從思九章停列八舞迴墀靈其
降止百福來綏

凱容舞

肇迹締基義標鴻篆恭惟載德瓊源方闡享薦三清筵陳四璉增我
堂構式敷帝典

景德凱容舞

皇祖執德長發其祥顯仁藏用懷道韜光寧斯閼寢合此蕭薌永昭
貽厥還符翦商

武德舞

烝哉聖祖撫運升離道周經緯功格玄祇方軒邁扈比形宙外容蹈

凝華金羽傳藹

永祚樂

構宸抗宇合軫齊文萬靈載溢百禮以殷朱絃繞風翠羽停雲桂樽
既滌瑤俎既薰升薦惟誠昭禮惟芬降祉遙裔集慶氤氲

肆夏樂

禮既升樂以愉昭序溢幽饗餘人祇鬯敬教敷神光動靈駕翔芬九
垓鏡八鄉福無屆祚無疆

休成樂

睿孝式鬯饗敬爰偏諦容輟序份文靜縣辰儀聳蹕霄衛浮鑾旒帟
雲舒翠華景搏恭惟尙烈休明再纏國獻遠藹昌圖聿宣

太廟登歌

褚淵

惟王建國設廟凝靈月薦流典時祀暉經瞻宸僊思雨露追情簡日
筮晷闕奠升文金疊渟桂冲幄舒薰備僚肅列駐景開雲

至饗攸極睿孝惇禮具物咸絜聲香一作馨聲合體氣昭扶幽眇慕纏遠
迎絲驚促送份留晚聖衷踐候節改增愴妙感崇深英徽彌亮

高德宣烈樂

王儉

悠悠草昧穆穆經綸乃文乃武乃聖乃神動龕危亂靜比斯民誕膺
休命奄有八紘握機肇運光啓禹服義滿舜陵嫺緝熙是詠欽明在
斯雲雷邁屯圖南共舉大定揚越震威衡楚四奧宅心九疇還敘景
星出翼非雲入呂德暢容辭慶昭羽綴於穆清廟載揚徽烈嘉玉旣
陳豐盛斯絜是將是享鴻猷無絕

北齊享廟樂辭

隋書樂志曰齊享廟樂先祀一日夕牲羣臣入奏肆夏
迎神奏高明登歌樂牲出入薦毛血並奏昭夏樂三公
出進熟羣臣入並奏肆夏辭同皇帝入北門奏皇夏樂
太祝裸地奏登歌樂皇帝詣東陛及升殿並奏皇夏辭

同皇帝既升殿殿上作登歌樂皇帝初獻六世祖司空
公五世祖吏部尚書高祖秦州刺史曾祖太尉武貞公
祖文穆皇帝五室並奏始基樂恢祚舞獻高祖神武皇
帝室奏武德樂昭烈舞獻文襄皇帝室奏文德樂宣政
舞獻顯祖文宣皇帝室奏文正樂光大舞皇帝還東壁
飲福酒奏皇夏樂送神奏高明樂皇帝詣便殿奏皇夏
樂羣臣出奏肆夏辭同

肆夏樂

霜淒雨暢烝哉帝心有敬其祀肅事惟歆昭昭車服濟濟衣簪鞠躬
貢酌罄折奉琛差以五列和以八音式祇王度如玉如金

高明登歌樂

日卜惟吉辰擇其良弈弈清廟黼黻周張大呂爲角應鍾爲羽路鼗
陰竹德歌昭舞祀事孔明百神允穆神心乃顧保茲介福

昭夏樂

大祀云事獻奠有儀既歌既展贊顧迎犧執從伊竦芻飾惟慄俟用
於庭將升於室且握且駢以致其誠惠我貽頌降祉千齡

昭夏樂

緬彼遐慨悠然永思留連七享纏綿四時神升魄沉靡聞靡見陰陽
載俟臭聲兼薦祖考其鑒言萃王休降神敷錫百福是由

皇夏樂

齊居巖殿夙駕層闐車輅垂彩旒袞騰輝聳誠載仰翹心有慕洞洞
自形斤斤表步闕宮有邃神道依條孝心緬邈爰屬爰依

登歌樂

太室窅窅神居宿設鬱鬯惟芬珪璋惟絜彝罍應時龍滿代用藉茅
無咎福祿攸降端感會事儼思脩禮齊齊勿勿俄俄濟濟

登歌樂

我祠我祖永惟厥先炎農肇聖靈祉蟬聯霸圖中造帝業方宣道昌
基構撫運承天奄家六合爰光八埏尊神致禮孝思惟纏寒來暑反
惕薦在年匪敬伊慕備物不愆設虞設業靴鼓填填辟公在位有容
伊虔登歌啓份下管應懸厥容無爽幽明肅然誠叩厚地和達穹玄
既調風雨載協山川周庭有列湯孫永延教聲惟被邁後光前

始基樂恢祚舞

克明克俊祖武惟昌業弘營土聲被海方有流厥德終耀其光明神
幽贊景祚攸長

始基樂恢祚舞

顯允盛德隆我前構瑤源彌瀉瓊根愈秀誕惟有族不緒克茂大業
崇新洪基增舊

始基樂恢祚舞

祖德不顯明喆知機豹變東國鵲起西歸禮申官次命改朝衣敬思

孝享多福無違

始基樂恢祚舞

兆靈有業潛德無聲韜光戢耀貫幽洞冥道弘舒卷施博藏行緬追
歲事夜遽不寧

始基樂恢祚舞

皇皇祖德穆穆其風語嘿自己明叡在躬荷天之錫聖表克隆高山
作矣寶祚其崇離光旦旦載煥載載融感薦惟永神保無窮

武德樂昭烈舞

天造草昧時難糾紛孰拯斯溺靡救其焚大人利見緯武經文顧指
維極吐吸風雲開天闢地峻岳夷海冥工掩迹上德不宰神心有應
龍化無待義征九服仁兵告凱上平下成靡或不寧匪王伊帝偶極
崇靈享親則孝絜祀惟誠禮備樂序肅贊神明

文德樂宣政舞